

容城縣志

地(30.18)

29

第=1005



我

朝

聖聖相承

國史炳千秋之鑑寰宇人人
向化輿圖大一統之規喜
起明良之景運賢親樂利
序

一

之休風遠追乎二帝三王
廣被乎萬方九有况近在
京畿者可緩夫記載與不
敏世居蒲坂年來筮仕金
容惟邑乘之是求當下車
之伊始葑屋茅檐最爾彈

丸之地名臣理學誠哉英
傑之區正氣鍾靈三賢崛
起太和翔洽五丈挺生致
知格物淵源接洙泗之傳
折檻批鱗奏疏壯風雲之
色干城禦侮代有名人邦
序

璣咏雅什則篇篇錦繡至
衛民生者厥惟食貨若示
懲勸者更紀災祥亦俱卓
爾可觀莫不秩然就緒矣
夫惟代遠年湮編殘簡斷
亥豕魯魚既多其誤鼎新

序

三

革故厥少聿修詢諸君衆
口之僉同喜前令我心之
先得雖規模居然草創而
潤色尙待裁成商諸同邑
紳士敦請重三王公酌古
準今可幸師承之有自揚

風挖雅不同文獻之無徵
儒林冠冕才學識獨擅其
長宦海浮沉清慎勤我愧
皆短乃修適館授餐之儀
以定信今傳後之本此事
屬辭絲絲不紊分門別類
序

四

井井有條上下千百年之
掌故朗若列眉縱橫數十
里之版圖恍然奪目疑當
闕如郭公夏五遠取法乎
春秋善必褒卽匹婦風微
評仍加以月旦旁搜博採

諸公旣盡其勞隳舉廢修
一邑幸成此典庶幾言孝
勸忠永作斯民之坊表豈
等能詩善賦僅爲本地之
風光也哉聊書數語於簡
端以識一時之顛末云

序

五

龍飛咸豐七年歲次丁巳閏五
月二十五日書於容城官
署

誥授奉政大夫

欽加同知銜知直隸保定府容
城縣事加二級永濟裴福

德謹撰

序

六

容城古燕地也風俗樸
茂代產偉人若元之劉
靜修先生明之楊忠愍
公

序

國朝則有孫徵君理學氣
節炳燿霄壤復乎尙已
而其間賢士文人與夫
忠臣節婦詳於志乘者

亦不勝僂指鵬以舊歲

奉檄權知縣事訪問其

風俗周覽其山川蓋自

兵燹以後閭閻凋敝民

序

未能富曷由言教雖三

賢之流風餘韻猶有存

者而年遠時移亦稍稍

衰矣邑人竊竊焉憂之

具告於鵬 籲請大吏建

立義塾大吏以理學名

臣故里慨然許之撥給

帑銀五百兩俾亟爲興

序

三

辦鵬亦捐廉百金以資

經費二賢往矣邑人至

今沐遺澤焉盛德留貽

豈淺鮮哉容之賢士大

夫首先提唱獎掖而鼓
舞之吾知郎峯易水間
必有魁壘瑰異之士後
先踵起秉其沈毅之性

序

四

澤以詩書之業轉移風
氣必不隨風氣爲轉移
三賢之遺軌何不可復
見於今日耶茲當續修

志乘邑人請序於余爰
綴數語於簡端余實有
厚望焉

光緒二十二年歲次丙申

序

五

月權知容城縣事青

陽曹鵬拜撰

續修容城縣志序

我

國家締造既定而後崇尚
文治聿舉史事令各州郡
屬邑共訂志乘以備輶軒
之採擇他邑廢闕蒐輯或

序

難惟容城志明隆慶間李
使君創之一修於萬厯蔣
使君再修於崇禎胡使君
而付其藁於徵君孫鐘元
先生故

國朝河陽趙公表章釐正

之功不踰月而卽報成事
嗣越百年北齊王公復任
修纂容城一志可云燦備
人存政舉不信然與北齊
王公引昌黎之言曰莫爲
之前雖美弗彰莫爲之後

序

二

雖盛弗傳若然凡吾民之
田廬有待於疏闢徭賦有
待於劑平文教有待於振
興戎伍有待於修備以及
植立之人才有待闡揚漸
替之風化有待轉移手尺

寸之柄者莫不貴因其勢
順其宜規其重輕緩急一
一講求布置以爲斯民涵
濡於
樂利之世休養於

郅平之年抑豈獨有事於
序

三

縣志云乎哉雖然縣志一
書例不得書越境山川疆
土官師之賢否與邑人士
之是非美惡並不得顯擦
袞鉞褒誅之大權而境地
之廣狹有可考田賦之豐

嗇有可稽與夫民俗之貞
淫民氣之強弱民生之福
禍利病悉如燭照而數計
而所待於長官之修明創
建者覽其書宛指眎而眉
列心乎民瘼者或未知民

序

四

事之孰便孰不便而循次
漸舉可卽紀載爲先路之
導則志誠不可或廢者余
承乏是邑僅以庖代且未
及歲又值勤團練備捍禦
之後容城最爾地廣袤不

踰百里之半而爲

畿南之藩屏郡東之障蔽
星輶出入雖非孔道而省
會密邇供億靡常故問其
城郭則狹隘甚問其里居
則凋瘵甚問其隴畝則磽

序

五

瘠甚問其法制禁令則循
具文而弗究精深問其軍
伍卒徒則又倉猝一時而
莫爲久遠之計余於是時
逐日循月謀所以勞來安
集之者勢且不逮而兵刑